

修訂日期: 2004/10/22 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1281

原始資料: 蕭鎮國大德提供, 北美某大德提供

No. 1281

那羅延天共阿修羅王鬪戰法

寶思惟三藏譯

爾時那羅延天在於須彌山頂上。集諸天大眾梵天王及大自在天王天帝釋等。亦有無量天龍夜叉乾闥婆緊那羅摩呼羅伽人非人等。亦有無數鬼神等。共會說法。其甘露妙藥及和合安置瓶中。爾時阿修羅王變形入其瓶中。食其甘露妙藥。於是那羅延天見阿修羅王入其瓶中。以其金輪就於瓶中側之。其阿修羅王半身遂斷。阿修羅作病者。取白芥子安悉香胡麻蘇蜜相和。取佉陀羅木長□指。一百八段。一呪一燒。稱彼□人名字。即得除愈。

次說印法。

護身印。二小指相叉。於掌中二無名指押小指上。又二中指直豎。二頭指捻二中指上。二大指捻中指中節。右轉三匝即名護身。然後作一切法事。無有障礙。

刀印。左手小指名指□上節。大母指押小指無名指節上。中指頭指直豎向上。

輪印。定手風空相捻圓如輪狀。上擲三度向所障處打□□一切阿修羅皆悉斷。

次火印。定手作金剛拳。右手直舒五指微動。以左頭指柱右手心能燒一切設覩嚙心爛以印大焰向彼指之。想火燒彼如是并護摩必使母陀也。

那羅延法一卷

咸通五年七月五日比丘禪□□